

# Akashvani, Sambalpur

## SAMBALPURI NEWS BULLETIN

15 May 2024- 6.47- 6.52 am.

\*\*\*\*\*

୪ ନମ୍ବର ଖେପ୍ ପ୍ରାର୍ଥୀପତ୍ର ଯାଂର୍ ଆରବନ୍ଦୁ / ସମ୍ବଲପୁର

ରାଏଜେ ୪ ନମ୍ବର ଆର ଦେଶର ୭ ନମ୍ବର ଖେପ୍ ନିର୍ବାଚନ ଲାଗି ଆଏଇ ପ୍ରାର୍ଥୀପତ୍ର ଯାଂର୍ କରାଯିବା । ଗଲାକାଏଲ୍ ନାମାଙ୍କନ୍ ପତ୍ର ଦାଖଲ ପ୍ରକ୍ରିୟା ଶେଷ ହେଇଛେ । ଇ ଖେପେ ମୟୁରଭଞ୍ଜ, ବାଲେଶ୍ଵର, ଭଦ୍ରକ, ଯାଜପୁର, କେନ୍ଦ୍ରାପଡ଼ା ଆର ଜଗତସିଂପୁର ସଂସଦୀୟ କ୍ଷେତ୍ର ଆଉ ଇତାର ଅଧୀନଥି ଥିବା ୪୭ଟା ବିଧାନସଭା ଆସନ୍ ଲାଗି ଆଏବା ଜୁନ୍ ୧ ତାରିଖ ଭୋର୍ ହେବା । ୧୭ ତାରିଖ ପ୍ରାର୍ଥୀପତ୍ର ପ୍ରତ୍ୟାହାରର ଶେଷଦିନ୍ ଆଏ ।

ଅମିତ୍ ଶାହା

ଆରବନ୍ଦୁ/ ସମ୍ବଲପୁର

ବରିଷ୍ଠ ବିଜେପି ନେତା ଆଉ କେନ୍ଦ୍ର ସ୍ଵରାଷ୍ଟ୍ରମନ୍ତ୍ରୀ ଅମିତ୍ ଶାହା ଆଏଜ୍ କଟକ୍ ଗସ୍ତ ଥିବା ସମୟରେ । କଟକ୍ ଲୋକସଭା ଆଉ ବିଧାନସଭାର ଦଳୀୟ ପ୍ରାର୍ଥୀ ମାନଙ୍କର ଲାଗି ଶ୍ରୀ ଶାହା ନିର୍ବାଚନ ପ୍ରଚାର କରନ୍ତେ । ମିଳିଥିବା ସୂଚନା ଅନୁସାରେ ଶ୍ରୀ ଶାହା ବକ୍ସିବଜାର ସମାଜ କାର୍ଯ୍ୟାଳୟ ସାମ୍ନାନ୍ତ ଉପରବେଳା ୪ ବଜେ ରୋଡ୍ ସୋଥ ବାହାରୁ ବେ । ଇ ରୋଡ୍ ସୋ ଡିନ୍କୋଶିଆ ବଗିଚା, ଦରଘା ବଜାର, ଚୌଧୁରୀ ବଜାର ଆଉ ବାଲୁବଜାର ହେଲକରି ଚାନ୍ଦିନୀଚୌକତକ୍ ଯିବା । ଶ୍ରୀ ଶାହା ଆଏବା ୧୯ ତାରିଖ ଦିନ ସମ୍ବଲପୁର ରେମେଡ଼୍ଠାନେ ଗୁଟେ ଜନସଭା ଉଦ୍‌ବୋଧନ ଦେବାର କାର୍ଯ୍ୟକ୍ରମ ରହିଛି ।

ବିଜେପି ରାଷ୍ଟ୍ରୀୟ ଅଧ୍ୟକ୍ଷ ଜେ.ପି. ନଡ୍ଡା ଆଏଜ୍ ଭୁବନେଶ୍ଵର ଠାନେ ପୁଞ୍ଜିକରି ଦଳର ଗୁଟେ କର୍ମଶାଳା ଯୋଗ୍ ଦେବେ । ସେ ଆଏବା କାଏଲ୍ ବରଗଡ୍ ଜିଲ୍ଲାର ପଦମ୍ପୁର, ସୁନ୍ଦରଗଡ୍ ନ ଦଲ୍ ତରଫୁ ହେବାରକେ ଥିବା ସମାବେଶ୍ ଯୋଗ୍ ଦେବାର କାର୍ଯ୍ୟକ୍ରମ ରହିଥିବା ସୂଚନା ମିଳିଛି ।

ମୁଖ୍ୟମନ୍ତ୍ରୀ- ରୋଡ୍ ଶୋ            ଆରଏନ୍‌ୟୁ/ ସମ୍ବଲପୁର

ବିଜୁ ଜନତା ଦଳର ବରିଷ୍ଠ ନେତା ଆଉ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ ଆସକ୍ ରାଉରକେଲା, ଦେବଗଡ଼ ଆର ଅନୁଗୁଲ ଜିଲ୍ଲାର ଆଠମଲ୍ଲିକ ଗସ୍ତ କରବାର କାର୍ଯ୍ୟକ୍ରମ ରହିଛି । ମୁଖ୍ୟମନ୍ତ୍ରୀ ରାଉରକେଲାର ସେକ୍ଟର ୧୩ ମେଳଣ ପଡ଼ିଆ ନ ଦିନର ସାଢ଼େ ୧୧ ବଜେ ଗୁଟେ ନିର୍ବାଚନୀ ସଭାଥି ଉଦ୍‌ବୋଧନ ଦେବେ । ତାର ଉତ୍ତରୁ ସେ ଦେବଗଡ଼ ନ ଦଳର ଗୁଟେ ଜନସଭାଥି ଯୋଗ ଦେବେ ବଳି ଜନାପଡ଼ିଛି ।

ସେନ୍ତା ଶ୍ରୀ ପଟ୍ଟନାୟକ ଆସବା କାଏଲ ଭୁବନେଶ୍ୱର ନ ଗୁଟେ ରୋଡ଼ ସୋ କରବେ ଆଉ ସମ୍ବଲପୁର ଗସ୍ତ କରବାର କାର୍ଯ୍ୟକ୍ରମ ରହିଛି ।

ରାହୁଲ ଗାନ୍ଧୀ- ଓଡ଼ିଶା ଗସ୍ତ                      ଆରବନ୍ଧୁ/ ସମ୍ବଲପୁର

କଂଗ୍ରେସର ବରିଷ୍ଠ ନେତା ରାହୁଲ ଗାନ୍ଧୀ ଆସକ୍ ଓଡ଼ିଶା ଗସ୍ତ ଆସିକରି ବଲାଙ୍ଗିର ଠାନ୍ତେ ଗୁଟେ ଜନସଭାକେ ସମ୍ବୋଧନ କରବେ ।

ସେନ୍ତା ଅଖିଲ ଭାରତୀୟ କଂଗ୍ରେସ କମିଟିର ଅଧ୍ୟକ୍ଷ ମଲିକାର୍ଜୁନ ଖଡ଼୍‌ଗେ ଆସବା କାଏଲ ଓଡ଼ିଶା ଗସ୍ତ ଆସିକରି ଦଳର ନିର୍ବାଚନ ପ୍ରଚାର କାର୍ଯ୍ୟଥି ଯୋଗ ଦେବେ ବଳି ଦଳର ବରିଷ୍ଠ

ନେତା ଆଉ କଂଗ୍ରେସର ରାଜ୍ୟପ୍ରଭାରୀ ଅଜୟ କୁମାର  
କହିଛନ୍ । ଶ୍ରୀ ଖଡ଼୍‌ଗେ କନ୍ଧମାଲ ନ ଗୁଟେ ଜନସଭାକେ  
ସମୋଧନ କରବେ ଆର ଭୁବନେଶ୍ୱର ନ ଗୁଟେ ସାମ୍ବାଦିକ  
ସମ୍ମିଳନୀଥି ଯୋଗ ଦେବାର କାର୍ଯ୍ୟକ୍ରମ ରହିଛି ।

ମୁଖ୍ୟ ନିର୍ବାଚନ ଅଧିକାରୀ - ସୁନ୍ଦରଗଡ଼

ଆରଏନ୍‌ୟୁ / ସମ୍ବଲପୁର

ରାଜ୍ୟ ମୁଖ୍ୟ ନିର୍ବାଚନ ଅଧିକାରୀ ନିକୁଞ୍ଜ ବିହାରୀ ଧଳ  
ଗଲାକାଏଲ୍ ସୁନ୍ଦରଗଡ଼ ଜିଲ୍ଲା ଗସ୍ତ ଆସିଥିଲେ । ଇ ଗସ୍ତ  
ସମିଆଥି ସେ ସାଧାରଣ ନିର୍ବାଚନ ଲାଗି ଚାଲିଥିବାର ତୟାରିର  
ସମୀକ୍ଷା କରିଛନ୍ । ହେତୁ ସେ ଆଇନଶୃଙ୍ଖଳା ଥିତି, ନିର୍ବାଚନ  
ଖର୍ଚ୍ଚା ଯାଂଚ, ଏସ୍.ଭି.ଇ.ଇ.ପି. ଆଉ ଅଲଗା ଭୋଟ୍ ବାବଦର  
କାର୍ଯ୍ୟକ୍ରମର ସମୀକ୍ଷା କରିଥିଲେ ।

ନୀଳାଦ୍ରି ମହୋଦୟାସ୍ତମୀ

ଆରଏନ୍‌ୟୁ / ସମ୍ବଲପୁର

ବୈଶାଖ ମାସ ଉଜଲପଖର ଅଷ୍ଟମୀ ତିଥି ଆସଇ ପୁରୀ  
ଶ୍ରୀମନ୍ଦିର ନ ନୀଳାଦ୍ରି ମହୋଦୟାସ୍ତମୀ ନୀତି ହେବା । ଇ ତିଥିକେ

ଶ୍ରୀମନ୍ଦିରର ପ୍ରତିଷ୍ଠା ଦିବସ୍ ଭାବେ ଗଣାଯାଏସି । ଇ ଦିନ  
ଯଜ୍ଞମଣ୍ଡପକୁ ଆସିକରି ଚତୁର୍ଦ୍ଦିଗୁଡ଼ି ଶ୍ରୀମନ୍ଦିର ରତ୍ନ ସିଂହାସନ ନ  
ଅଧିଷ୍ଠିତ ହେଇଥିଲେ । ଇ ଉଲ୍ଗୁନେ ପାଳନ୍ କରାଯାଉଥିବା  
ମହୋତ୍ସବ୍ ଶହେ ୮ କୁମ୍ ପାଏନ୍ଥି ଦାରୁବ୍ରହ୍ମଙ୍କର ଜଳାଭିଷେକ୍  
ହେବା । ବଳଦେଉଳର ପରମ୍ପରା ଅନ୍ୟାରେ ଇଟା ହେଉଛେ  
ନୀଳାଦ୍ରୀ ମହୋତ୍ସବ୍ ।

ବିଶ୍ୱ ଏଥଲେଟିକ୍ ଦିବସ୍ ଆରବନ୍ୟୁ ସମ୍ବଲପୁର

ଆଏଜ୍ ବିଶ୍ୱ ଏଥଲେଟିକ୍ ଦିବସ୍ । ଆନ୍ତର୍ଜାତୀୟ ସୌଖୀନ  
ଏଥଲେଟିକ୍ ମହାସଂଘର ନିଷ୍ପତି ଅନ୍ୟାରେ ୧୯୯୭ ମସିହାକୁ  
ଆଝିର ଦିନ୍କେ ବିଶ୍ୱ ଏଥଲେଟିକ୍ ଦିବସ୍ ଭାବେ ପାଳନ୍  
କରାଯାଉଛେ । ଦୌଡ଼କୁଦ ବାଗିର ଖେଳକେ ତହିଁକାବାର ଲାଗି  
ଇ ଦିବସ୍ ପାଳନ୍ କରାଯାଉଛେ । ଖାସ୍ କରି ଯୁଆନ୍  
ପିଲାଟୁକେଲମାନକର ଭିତ୍ରେ ଆଉ ସ୍କୁଲମାନକେ  
ଦୌଡ଼କୁଦକେ ଲୋକପ୍ରିୟ କରାବାର ଆଉ କ୍ରୀଡ଼ାର ମହତ୍ତ୍ୱ  
ବାବ୍ଦେ ବୁଝାବାର ଲାଗି ଏଥଲେଟିକ୍ ଦିବସ୍ ପାଳନ୍  
କରାଯାଏସି ।

କମନ୍ ଯୁନିଭର୍ସିଟି ପ୍ରବେଶିକା ପରୀକ୍ଷା

ଆରବନ୍ୟୁ ସମ୍ବଲପୁର

ନେସ୍ନାଲ୍ ଟେଷ୍ଟିଂ ଏଜେନ୍ସି- ଏନ୍ଟିଏ ତରଫୁ ଆଏଜ୍ଠାନୁ  
ଦେଶର ଭିନ୍ ଭିନ୍ ଜାଗା ନ କମନ୍ ଯୁନିଭର୍ସିଟି ପ୍ରବେଶିକା  
ପରୀକ୍ଷା- ୨୦୨୪ ମୁଲ୍ ହେଉଛେ । ଦେଶର କେନ୍ଦ୍ରୀୟ  
ବିଶ୍ୱବିଦ୍ୟାଳୟମାନଙ୍କେ ସ୍ନାତକ ପାଠ୍ୟକ୍ରମ୍ ନାଁ ଲେଖାବାର  
ଲାଗି ଇ ପରୀକ୍ଷା କରାଯାଉଛେ । ଦେଶର ୩ ଶହ ୭୯ ଟା  
ସହର ସହେତେ ବିଦେଶର ୨୬ ଟା ସହରେ ପେନ୍ ଆଉ  
ପେପର୍ ମୋଡ୍ଡୁ ଇ ପରୀକ୍ଷା ହେବା । ଇ ମାସର ୧୮  
ତାରିଖ୍ତକ୍ ଇ ପରୀକ୍ଷା ଚାଲ୍ବା ।

ହୋମ୍ ଭୋଟିଂ ସମ୍ବଲପୁର, ସୁବର୍ଣ୍ଣପୁର ସମ୍ବାଦଦାତା

ସାଧାରଣ ନିର୍ବାଚନ୍ ଲାଗି ସମ୍ବଲପୁର ଜିଲ୍ଲା ରେଡ୍ଡାଖୋଲ୍  
ନ ହୋମ୍ ଭୋଟିଂ ଆଉ ପୋଷ୍ଟାଲ୍ ଭୋଟିଂ ମୁଲ୍ ହେଉଛେ ।  
ଇଥିର୍ଲାଗି ରେଡ୍ଡାଖୋଲ୍ ବରିଷ୍ଠ ଭୋଟର୍ ଆଉ ଦିବ୍ୟାଙ୍ଗ  
ଭୋଟର୍ଙ୍କୁ ମିଶେଇକରି ଶହେ ୭୬ ଝନ୍ ମତଦାତା ନିଜର୍ ଘରୁ  
ମତଦାନ୍ କର୍ବାର୍କେ ତାଲିକାଭୁକ୍ତ ହେଉଛନ୍ । ନିର୍ବାଚନ୍

ଦାୟିତ୍ୱ ଥିବାର ପୁଲିଂ ଅଧିକାରୀମାନେ ଆଏବା ୧୭  
ତାରିଖତକ ବରିଷ୍ଠ ନାଗରିକ ଆଉ ଦିବ୍ୟାଙ୍ଗ ଭୋଟର ମାନଙ୍କୁ  
ସମ୍ପର୍କ କରବେ ।

ସେନ୍ତା ସୁବର୍ଣ୍ଣପୁର ଜିଲ୍ଲା ନ ଭିଲ୍ ଇ ବର୍ଗର ଭୋଟରମାନଙ୍କର  
ଲାଗି ପୋଷ୍ଟାଲ୍ ବେଲଟ୍ ଜରିଏ ମତଦାନ କାମ୍ ମୁଲ୍ ହେଇଛେ ।  
ଗଲାକାଏଲ୍ ଅତିରିକ୍ତ ଜିଲ୍ଲାପାଲ୍ ରାଜେନ୍ଦ୍ର ମାଝୀଙ୍କର  
ତତ୍ତ୍ୱାବଧାନଥି ସୋନପୁର ବିଧାନସଭା ମଣ୍ଡଳୀ ଲାଗି ୫ଟା,  
ଆର ବୀରମହାରାଜପୁର ସଂରକ୍ଷିତ୍ ନିର୍ବାଚନ ମଣ୍ଡଳୀ ଲାଗି ୪  
ଟା ଟିମ୍ ଗାଁ ଗାଁ ବୁଲିକରି ୪୦ ପ୍ରତିଶତନ୍ତୁ ଅଏତ୍ତକା ଅକ୍ଷମତା  
ଥିବା ଦିବ୍ୟାଙ୍ଗ ଆଉ ୮୫ ବକ୍ତରନ୍ତୁ ଅଏତ୍ତକା ବୟସର ଭୋଟର  
ମାନଙ୍କରନ୍ତୁ ମତ ସଂଗ୍ରହ କରୁଛନ୍ ।

ପାଣିପାଗ                      ଆରଏନ୍ୟୁ / ସମ୍ବଲପୁର

କାଲ୍‌ବୈଶାଖୀର ପ୍ରଭାବ୍ଥି ରାଏଜେ ତାତି ଟିକେ କମ୍  
ରହିଛେ । ଆଏଜ୍ ନୂଆପଡ଼ା, ବଲାଙ୍ଗିର, କଲାହାଣ୍ଡି, ବରଗଡ଼,  
ଝାରସୁଗୁଡ଼ା, ସମ୍ବଲପୁର, ସୁନ୍ଦରଗଡ଼ର ଗୁଟେ କୁଡ଼େ ଜାଗା ନ  
ବିଜ୍ଲି, ଘଡ଼ଘଡ଼ି ସହେତେ ଧୁକାଗଡ଼ି ହେଇକରି ବର୍ଷା ହେବାର  
ସମ୍ଭାବନା ରହିଛେ । ହେଥିଲାଗି ପାଣିପାଗ୍ ବିଭାଗ୍ ତରଫୁ ଇ

ଜିଲ୍ଲାମାନଙ୍କେ ଯେଲୋ ଓଡ଼ିଶା ଜାରି କରାଯାଇଛି । ହେଲେ  
ଆଏବା ୪ ଦିନ ଭିତରେ ରାଜ୍ୟର ବଡ଼ଭାଗି ଜାଗା ନ ତାତି ୪  
ନୁ ୫ ଡିଗ୍ରୀ ସେଲ୍ସିଅସ୍‌ତକ୍ ବର୍ଦ୍ଧବାର୍ ସହେତେ ଗ୍ରୀଷ୍ମପ୍ରବାହ  
ଜାରି ରହେବା ବଳି ଅନୁମାନ କରାଯାଇଛି ।